

Enformaziuns y Comunicaziuns

Gnissant: Le Cor Ères d'Al Plan vënn ciandères por Gnissant: en sabeda ai 27 d'otober dô mëssa da sëra y en domëgna ai 28/10 dô la gran mëssa. Iolan belo damperfora.

Uniun dles Ères: La Uniun dles Ères organisëia la ginastica de prevenziun con Marlene Trebo. Ara mët man ai 24 d'otober y vá ennant por endöt 8 iadi, vigne dedemesaledema ales 18:00, te palestra d'Al Plan. Al é da s'anunzié al 348/3140415.

Jogn/1: Eniann él endö lïtes dal grup dai jogn. Al vën chirí jones y jogn dai 14 agn ensö co ess enteres da sté tal Consëi. An pó se lascé adentëne anter i 26 d'otober pa zacai dal consëi atual o pa Gabriel Frenner al 349/4657549. Ai 26/10 ales 19:00 gnarál fat la sontada generala te salf dai jogn, con lïtes y dedö cëna.

Jogn/2: Le Sorvisc ai Jogn enviëia ai 16 d'otober ales 20:00 tal zënter dla jonëza Saj. un sö La Ila a na sëra d'enformaziun politica con i candidac ladins ales provinziates, sön temesc de mituns y jogn. An baiará danter l'ater ince de Sorvisc ai Jogn, strotöres dai jogn, monn dal laür, frabiché, uniuns, burocrazia, y e. e. Moderaziun: Diego Clara.

Comun/1: Le Comun lascia alessëi che le zënter de reziclaje romagnarà slüt en dedemesaledema ai 17 d'otober. Al vën ince recordé che i bossi de spray co á le simbol dal fù lassora n'é nia da sciüré pai bossi, mo pal ciomont da tosser.

Comun/2: Le Comun enformëia che con la fin d'otober gnarál tut demez a Al Plan, La Pli y Rina les ciampanes de spidl, bossi, papier, y les baraches dal cartun. Por rajuns d'organisaziun, y deache tai posc de racoüda ne gnêl nia respeté les regoles. Da novëmber ennant é la jont periada da jí cole ciomont desferonzié tal zënter de reziclaje.

Referat/1: En jöbia ai 18 d'otober ales 15:30 él tla stöa da Oies sön Badia en referat con signor Tone Fiung, dal titul "Maraties psichiches - canche an perd la ligrëza y la crëta da vire. Co pó pa vire empara?". Al gnará baié de depresciuns, tèmes o fobies y ciará da capí ci che an pó fá, co ch'an pó azeté y soradöt che an dess se lascé daidé.

Referat/2: Le Consëi de Formaziun y la biblioteca "Angelo Trebo" d'Al Plan enviëia a na sëra d'enformaziun sön le tema dal davagn de basa por düc (Grundeinkommen): en bel som o na idea co vá debojügn por combater la meseria y müdé le sistem sozial? En jöbia ai 18 d'otober ales 20:00 te biblioteca. Referënt é Sepp Kusstatscher.

Sportschützen: I Sportschützen d'Al Plan organisëia ta Ciamaor le slopeté dal païsc, dai 22 ai 26 d'otober dales 17:00 ales 22:00, la sabeda ai 27/10 dales 14:00 ales 22:00 y la domëgna ai 28/10 dales 14:00 ales 20:00. Düc é bel enviës. Mituns pó slopeté da 10 agn ensö. Al é de bi pesc da davagné.



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann B 14.10.2018 - 28. Dom. dal Ann Liturgich - Edema dla Fede nr. 46

Vënn ci che t'as, dá i scioldi ai püri y vimo dô!

Dal Vagnele dô San Merch 10, 17-30

Te chël tomp ¹⁷ti an él salté önn adencuntra a Gejú, s'á enlené jö y l'á damané: Bun maester, ci mëssi pa fá por davagné la vita eterna? ¹⁸Gejú ti á rospognü: (...) ¹⁹Tö conësces pö i comandamoc: Te ne dess nia copé, te ne dess nia rumper le matrimone, te ne dess nia arobé, te ne dess nia dé testimonianza falza, te ne dess nia trapolé, onorëia to pere y töa oma! ²⁰Al ti á rospognü: Maester, düc chisc comandamoc ái osservé da jonn ensö. ²¹Danló ti á Gejú ciaré, y deach'al ti orea bun, ti ál dit: Öna na cossa te mancia ciamó: Vá y vënn ci che t'as, dá i scioldi ai püri y t'aras en tesur tal cí; spo ví y vimo dô! ²²Mo chël á ciafé la ria canch'al á aldí cösc y s'an é jü con tristëza; deach'al á en gran avëi. **Parora dal Signur. Lalt a te, Gejú Crist!**



Le program dla Edema dla Fede

Domëgna 14 d'otober: L'Edema mët man te vigne ploania.

Lönesc 15 d'otober ales 20:00 te calogna a Corvara: Mësa torona te salf de calogna sot al tema "Mia fede - al prigo?". Al sará signor Ulrich Fistill, Valentin Erlacher, Renate Kostner y Paola Tasser.

Dedolönesc 16 d'otober ales 20:00 te dljia d'Al Plan: Sëra sön i Salm con signor Iaco Ploner.

Jöbia ai 18 d'otober ales 20:00 te salf dles uniuns sön Badia: Sëra söla Crejima con Markus Felderer y team.

Vëndres 19 d'otober ales 20:00 te dljia d'La Val: Prejentaziun dla Pasciun "Nia de Parora" con l'uniun dal Teater y le Cor de Dlijia d'La Val.

Sabeda 20 d'otober ales 20:00 te dljia da San Martin: Concert dai cors de dljia da San Martin, La Ila y Lungiarü y le Cor Ères Al Plan.

Domëgna 21 d'otober: an s'encuntra ales 17:15 sön Badia por jí en prozesciun con ciandères cina sö Oies. Enló sarál ales 18:00 na funziun de concluiun.

Impressum: Ploania d'Al Plan, str. Catarina Lanz nr. 46, 39030 Al Plan de Mareo

Comunicaziuns - cina al dedemesaledema sëra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.unitepastorala.org

Domëgna: 14.10.2018: XXVIII. Domëgna dal ann Liturgich

EDEMA DLA FEDE



8.30: S.M. a La Pli
9.30: Funziun dla domëgna: Corona
10.00: S.M. pro popolo por dōta la Ploania
Introduziun al' Edema dla Fede

Lön. 15.10.: **Mem.de Sa.Teresa dal Bambin Gejú: AviLa**

7.30: S.M. aniv. por +nt Figile Obojes dal Craizer
S.M. por +nt Giuseppe Macia
S.M. por +nta Fischer Maria ved. Hofer

Dédol.16.10: **Feria dla 28. edema: Sa.Hedwig, Sa.Margareta**

19.30: Corona dedicada a S.Maria

Dédem 17.10: **Feria dla 28. edema: S.S.Ignaze d'Antiochia, S.Anselm**

18.00: S.M. aniv. por +nta Edelgard Steck-Ties
S.M. por +nc' Planatscher, Ciasa Sorega
S.M. por +nt Ernesto Trebo Hot. Al Plan
S.M. por +ntes Kastlunger Linda y Claudia
S.M. de rengr. por Fam Comploi Manuel y Cristina Possamai

Jöbia 18.10: **Festa de S.Lukas, Evangelista y Storia dai Apostui**

Vijita personala te dljia y cortina

Vëndr.19.10: **Feria dla 28. edema: S.Jean d. Brebeuf y Isaak Joques y Comp.**

S.Jan dla Crusc

7.10: S.M. por i scolari
S.M. por +nta Ida Pisching de Candido
S.M. por vís y +nc' dla Fam. Palfrader Angelo y Anna
S.M. por +nt Comploi Franz de Clara
S.M. por les Püres Animes

18.00: Corona ete dal Ciüch

Sab.20.10: **Festa dla Consacraziun dles dljies: S.Wendelin**

12.45: S.M. da noza por i nüc' Lisa Alton y Samuel Erlacher

17.00: Poscibilitè da se pissié

18.00: S.M. por +nta Bratti Maria
S.M. por +nc' dla Fam. Marcocci y Mocellin
S.M. por +nc' dla Fam. Frenner dal Cone

Dom.21.10:



Festa dla Segra de düc' – Misciuns Mondiales

Oferta por les Misciuns

8.30: S.M. a La Pli

9.30: Oraziun dô intenziun dla festa

10.00: S.M. de rengr.dla Consacraziun dles Dljies
S.M. por les Misciuns: S.Ojöp da Oies y Franz Xaver

N.B.: **18.00:** Conclujiun dal Edema dla Fede

a Oies: "funziun de conclujiun"

17.15: Prozesciun a Oies da S.Linërt demez



La comunité ti fej les mius aodanzas ai nüc

Lisa Alton y Samuel Erlacher.

Che la benedisciun de Dio
i acompagni söle tru deboriada.

I ponsun do:

L'encuntada con Gejú mët vigne porsona dan na dezijiun. Cösta encuntada nes porta ince a ponsé sora ai valurs, co ea emportanc denant. Desco le èl tal Vagnele, se damana ince al de da encö trepa jont do le tru dla vita. Ma chël co vëiga ete l'emportanza da enconté Gejú, é bun da ti jí do a Èl. Döt l'ater - ince i avëis sön cösta tera - passa ia y perd significat. Co se stara pa con nosta reaziun, canche le envit dla cherdada é adressé a me, a te?

I periu:

Signur, to Fi nes á mostré le tru dla vita. Dëidesse, ch'i sunse bognd da tigní entres via la speranza en Te. Y che ne pordunse nia nosta dërta meta tles preocupaziuns por i bëgns de cösta tera. Por Gejú Crist, nosc Signur. (SB)

Pares por vigne momont:

No tan te crüzié
y no belo encö te temëi
da agitaziun y pëis
che le de nö
podess magari te porté.
Sce te lascas
che i festidi da vignedé
les tèmes y l'apatia
la davagnes sön te,
enló perdeste l'odlada
por döt le bel
che te podesses esperimenté encö.
Daürete ai momonc
co te lascia ester de bona vëia,
co te fej rí
y co te fej sontí vi.
Lasci vigne de na lerch a ci
co te fejes ienn
y a ci co te fej bun
y ponsa ensciö entres danö
a te enstès.

**DER GLAUBE IST
DAS TÄGLICHE BROT,
DAS GOTT UNS GIBT.**

Dietrich Bonhoeffer

Sorvisc dai Ministronc

Lönesc 15/10 (07:30h), Dëdemesaledema 17/10 (18:00h), Vëndres 19/10 (07:10h): Chantal Feichter, Michael Leimegger;

Sabeda 20/10 (18:00h): Sofia Castlunger, Emma Daverda, Giada y Ginevra Regis, Claudia y Susan Kaneider;

Domëgna 21/10 (10:00h) Segra de düc: Marco y Sofia Alberti, Moltina Clara, Matteo Huber, Elisa y Emanuel Frenademetz, Mattia Leggio, Jan Paul Promberger, Isabel y Sandra Ties;

N. B.: Düc i ministronc é entres begnodüs da gní a sorví, ince sce ai n'é nia scric sö!

Zuspruch
AM SONNTAG

28. Sonntag im Jahreskreis B

Wer arm an allen Dingen geworden ist, der empfängt alle Dinge.

Meister Eckhart



Chir i 8 fai

